



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 281. De familia tradita in Brunmaneshus in pago Guddingo.

urn:nbn:de:hbz:466:1-36114



§. 281.

Tradidit volchert pro euuruini unam familiam in
brunmaneskuf (Z).

§. 282.

(Z) *Brunmaneshus* ponitur in Registro nostro in pago *Guddinge*. Intelligitur ergo De villa verisimillime vicus *Bruninghusen* seu *Brunjehusen*, haud procul a *Brunckensen*, *Brunmaneshus* in pago *Guddinge*. quem supra §. 104. not. (n) ad progenitores comitum *Euersteinensium* retulimus. Quis vero sit *Euurwini*, pro quo bona traduntur a *Volcherto* in *Brunmaneshus*, an fuerit consanguineus *Volcherti*, et pater *Hadeburgae*, coniugis *Heinrici aucupis*, res est omnino altioris indaginis. Circa haec tempora sane *Euurwini* seu *Erwinum* patrem *Hadeburgae* vixisse oportet. Cum enim *Heinricus* auceps *Hadeburgam* *Erwini* filiam duxerit anno 905, quo tempore, teste *Ditmaro* episcopo *Merseburg.* Lib. I. Tom. I. S. R. B. *Leibn.* p. 324. eadem fuit vidua velata, *Erwinus* ille claruit circa annum 884 et antea, si ponas, eandem *Hadeburgam* nupsisse *Heinrico* aucupi anno aetatis XLI. Cuiusnam stirpis fuerit *Erwinus* ille, id in obscuro laet. Reliquit eam causam intactam *Consil.* et *Prof. Luneburgensis* *Ioan. Ludeuicus* *Leuinus* *Gebhardi* in *Historisch-Genealogischen Abhandlungen* P. I. diss. 8. §. 13. p. 242. Fortasse autem spectauit ad familiam *Haddonum marchionum* orientalium, de quibus egimus supra §. 104. not. (e) Probabilissimum id esset, si bona in *Brunmaneshus* spectassent ad *Euurwinum*. *Erwinum*, patrem *Hadeburgae*, habuisse filium *aquiuocum*, sed ante patrem iam mortuum, e *Ditmaro* verbis l. c. patet. *Erwinum* enim patrem *Hadeburgae* appellat *seniorem*, tradens, *Erwinum*, e medio decedentem, geminis filiabus hereditatem reliquisse, quod (scilicet tempore mortis suae) filium non habuerit, qui vero antea exstitisse debuit. Respectu enim filii iunioris *Erwini* pater nominatur a *Ditmaro* senior.

Rrr 2

Si